

**PROGRAM CENTRAL FOREST SPINE SHOWCASE BERSAMA PEMEGANG-PEMEGANG TARUH PERINGKAT NEGERI PERAK ANJURAN PROJEK UNDP/GEF-GoM: IMPROVING CONNECTIVITY IN THE CENTRAL FOREST SPINE LANDSCAPE (IC-CFS)**

Disediakan oleh: Dr. Agkillah Maniam  
State Project Coordinator IC-CFS

Satu Program *Central Forest Spine* Showcase Bersama Pemegang-Pemegang Taruh Peringkat Negeri Perak Anjuran Projek UNDP/GEF-GoM: *Improving Connectivity in The Central Forest Spine Landscape* (IC-CFS) telah diadakan pada 18 Ogos 2022 yang telah dihadiri seramai 116 orang yang terdiri daripada YDH Orang-orang Besar Jajahan, Ahli-Ahli Yang Berhormat Majlis Mesyuarat Kerajaan Negeri, Ahli-Ahli Yang Berhormat Dewan Undangan Negeri, Ketua-Ketua Jabatan Peringkat Persekutuan dan Negeri serta pegawai-pegawai dan wakil-wakil agensi di Negeri Perak.

Antara agensi-agensi yang telah menghadiri program ini dari peringkat negeri terdiri daripada Unit Perancang Ekonomi Negeri Perak (UPEN), Markas 2 Briged, Pejabat Pengarah Tanah Dan Galian Negeri Perak (PTG), Jabatan Kerja Jalan Negeri Perak (JKR), PLANMalaysia@Perak, Jabatan Pertanian Negeri Perak, Jabatan Perlindungan Hidupan Liar dan Taman Negara Negeri Perak (PERHILITAN-Perak), Jabatan Alam Sekitar Negeri Perak (JAS), Jabatan Ukur dan Pemetaan Malaysia (JUPEM), Jabatan Kemajuan Orang Asli Negeri Perak & Kedah (JAKOA), Jabatan Mineral Dan Geosains Negeri Perak (JMG), Perbadanan Taman Negeri Perak (PTNPk), Perbadanan Menteri Besar Perak (MB Inc), Lembaga Air Perak, Perbadanan Pembangunan Pertanian Negeri Perak, serta Lembaga Perumahan Dan Hartanah Perak (LPPH). Beberapa agensi kerajaan tempatan juga telah mengambil bahagian dalam program ini iaitu Pejabat Daerah Dan Tanah Kampar, Pejabat Daerah Dan Tanah Kinta, Pejabat Daerah Dan Tanah Larut, Matang Dan Selama, Pejabat Daerah Dan Tanah Batang Padang, Majlis Daerah Lenggong dan Majlis Daerah Tapah.

Terdapat juga penyertaan daripada beberapa agensi kerajaan di peringkat persekutuan yang utama seperti Ibu Pejabat Jabatan Perhutanan Semenanjung Malaysia (JPSM), Ibu Pejabat Jabatan Perlindungan Hidupan Liar dan Taman Negara (PERHILITAN), Institut Penyelidikan Perhutanan Malaysia (FRIM), PLANMalaysia@HQ, serta Jabatan Perhutanan Negeri Pahang dan Jabatan Perhutanan Negeri Johor yang juga turut terlibat dengan projek IC-CFS.

Agensi dan badan berkanun lain yang turut menyertai program ini adalah Maju Perak Holdings Berhad, MARDI Negeri Perak, Kementerian Tenaga dan Sumber Asli (KeTSA), Universiti Teknologi Mara (UiTM) Perak, Tropical Rainforest Research Centre (TRACE), Perak Hydro Renewable Energy Corporation Sdn Bhd, Koperasi Penempatan Semula Banun Gerik Berhad, Koperasi Penempatan Semula Banun Gerik Berhad, Kg Orang Asli Sg Tiang RPS Banun Gerik, Yayasan Hasanah, Persatuan Pencinta Alam Malaysia (MNS), Tropical Rainforest Conservation & Research Centre, Worldwide Wildlife Fund for Nature, Free Tree Society Kuala Lumpur (FTS), Management & Ecology of Malaysian Elephants, RIMAU - Tiger Protection Society of Malaysia, Global Environment Centre (GEC), SS Agro Venture Enterprise, Penyelidikan Tenaga Nasional Berhad (TNBR), Malaysia Smelting Corp Bhd, Malaysian Palm Oil Green Conservation Foundation (MPOGCF), Yayasan Pulau Banding, Malaysia Nature Guides Association (Managa), dan Persatuan Perniagaan Kayu-Kayan Perak.

Program ini bermatlamat untuk menyedarkan semua pemegang taruh yang berkepentingan kepada strategi dan langkah-langkah pelaksanaan yang digariskan dalam PIRECFS serta mengukuhkan lagi hubungan antara pemegang-pemegang taruh berkepentingan untuk kerjasama dan perkongsian yang lebih efektif pada masa hadapan. Selain elemen kesedaran terhadap Central Forest Spine, program ini juga bertujuan untuk mengumpul maklumat dan pandangan daripada pemegang-pemegang taruh yang berkepentingan untuk merangka strategi pelaksanaan Pelan Induk Central Forest Spine (CFS) di Negeri Perak.

Selain itu, satu sesi 'Stakeholder Matchmaking' juga diadakan untuk memberikan peluang kepada pemegang-pemegang taruh bagi mengambil bahagian dan menyumbang kepada inisiatif-inisiatif yang sedang dilaksanakan membincangkan dengan lebih lanjut tentang sumbangan dan pelaksanaan aktiviti-aktiviti tersebut. Sesi penglibatan dan perundingan ini menjadi asas dalam memperkukuhkan perhubungan di antara pemegang-pemegang taruh yang berkepentingan supaya menyumbang kepada pelaksanaan strategi ini dalam jangka masa panjang. Melalui sesi ini juga, pihak Jabatan telah menerima maklum balas dan lontaran terhadap isu-isu yang dapat membantu agensi kerajaan untuk mengenal pasti dan mengawal risiko luaran sambil menjadikannya asas untuk kerjasama dan perkongsian masa hadapan. Tambahan pula, sumbangan pihak berkepentingan adalah penting dalam pengagihan sumber (terutama kewangan) yang berkesan, pencapaian kejayaan jangka panjang, dan hala tuju pelaksanaan CFS.

Program ini juga telah mempamerkan dan memperkenalkan garis-garis panduan yang telah dibangunkan di bawah projek IC-CFS untuk kegunaan pelbagai pihak berkepentingan untuk mencapai kejayaan pelaksanaan CFS. Sempena persidangan mini itu, satu pameran juga akan diadakan untuk mempamerkan kepentingan Central Forest Spine bersama dengan strategi dan tindakan yang diperlukan dalam CFS PIRE.



Ucapan Aluan daripada Pengarah Jabatan Perhutanan Negeri Perak, Dato' Mohamed Zin bin Yusop



Barisan jemputan khas semasa bacaan doa



Pembentangan usaha-usaha Jabatan Perhutanan Negeri Perak (JPNPK) berkaitan inisiatif Central Forest Spine



Pembentangan usaha-usaha Jabatan Perlindungan Hidupan Liar dan Taman Negara (PERHILITAN) berkaitan inisiatif Central Forest Spine



Pertanyaan soalan daripada para hadirin  
semasa program



Sesi 'Stakeholder Matchmaking' bersama  
peserta program